

Qhia Kev Noj Qab Haus Huv txog Pa Roj Carbon Monoxide Lom

Tiv Thaiv Koj Tsevneeg kom txhob raug Tuag Twjywm

Nqis tes ua tej yam uas yuav tiv thaiv tau koj tsevneeg tamsim no kom txhob raug cov pa roj carbon monoxide uas qhovmuag tsis pom ntawd lom. Cia li nruab ib lub ntes pa roj carbon monoxide rau hauv koj lub tsev, thiab npaj kuaj lub roj teeb txhua zaus koj kuaj lub ntes pa hluav taws lub roj teeb.

Pa roj carbon monoxide tsis muaj ntxhiab thiab tsis muaj xim. Yog thaum muaj ntau hauv koj lub tsev lawm yuav ua rau muaj kev mob nkeeg lossis tej zaum raug tag sim neej – twb muaj coob tshaj 500 leej tibneeg Amelikas raug tuag txhua xyoo vim cov pa roj carbon monoxide lom xwb. Cov heater uas siv roj av, xws li lub qhovcub sov tsev, taub dej kub uas siv roj av, lossis lub butane uas nqa tau rau ub rau no lossis lub gas heater, muaj peevxwm to dim cov pa roj carbon monoxide thiab yuav tsum tau kuaj txhua lub xyoo.

Dhau ntawm qhov uas muaj lub ntes pa roj carbon monoxide hauv tsev lawm, koj yuav tsum tsis txhob hlawv ib yam dabtsis saum lub qhovcub ua noj lossis hauv lub qhovcub rauv taws uas tsis tau kev dim pa, tsis txhob taws lub qhovcub ci nqaij kom sov tsev ib zaug li, thiab tsis txhob siv lub cav ntswj fai fab ntawm tej qhov chaw tsis dim pa (xws li koj lub qab daus) lossis sab nraum zoov uas ze lub qhovrai uas yuav nkag tau los hauv tsev, txawm yog tias fai fab tuag lawm los xij li.

Thaum koj tsav tsheb, txhob rhaub cav tsheb cia hauv lub nkas-las uas muaj phabntsa xov. Yog koj lub nkas-las txuas kiag koj lub tsev, cia li kaw lub qhovrooj mus hauv tsev rau txawm yog koj qhib lub qhovrooj nkas-las thaum uas koj rhaub cav tsheb los xij. Thiab thaum los daus lawm, nco ntsoov thob kom txhob muaj dau nkag tau rau koj lub raj cua nram qab tsheb—yog tias lub raj cua txhaws lawm, koj lub cav tsheb yuav ntswj pa tuaj rau sab hauv koj lub tsheb.

Xav paub ntxiv txog raug pa roj carbon monoxide lom, mus rau ntawm
<http://www.cdc.gov/co/default.htm>



Lub Ntes Pa Roj Carbon Monoxide